

در سعادتده باب عالی جوارنده
دائرة مخصوصه

محل اداره :

مشرط القلم

۱۳۲۶

اخطار :

مسلكمزه موافق آثار جديده مع المنوويه
قبول اولنور

دوج ايدلهين آثار اعاده اولنور

ديش، فلسفه، علوم، حقوق، ادبياتده و سبامياتده و بالخاصه كرك مياسى و كرك اجتماعى و دمرنى احوال و شئونه ايدله ميره ديه بحث ايدر و هفته ده بر نشر اولنور.

آبونه بدلى

سنة لكى التى آيلنى

ممالك عثمانيه ايچون	۸۰	۴۰	غروش
روسيه	»	۶۰۵	۳۰۵ روبله
ساثر ممالك اجنبيه	»	۱۷	۹ فرانك

صاحب و مؤسسارى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاردر

قيرله دن مقوا بورو ايله كوندريليسه سنوى

۲۰ غروش فضله آلنير

عدد : ۶۱

۲۰ شوال ۳۲۷ پنجشنبه ۲۲ تشرين اول ۳۲۵

اوچنجى جله

ایتدیکندن اکا قارشو لاقید بولنق کبی بر اعتیاد سقیمه مبتلا اولمش، عصرلردن بری کوزیله کلن بومناظر اسکیمش، انسانلرده بواشلایف مدیددن طولایی اویوشمش، خواب غفلته دالمش!

ای خالق ذیشان! سن بزی ایقاز، بوعالمی امرکله بشقه برصورتیه تحویل، کلمات قدسیه کی عدم حکمنده اولان نوع بشره اسماع، بوعالمک هیولاسندن برعالم دیگر ایجاد وابداع ایله. خواب غفلته مستغرق اولان کوزلرمز بشقه مناظره، وادی تردده پویان اولان عقول قاصره مز بشقه خوارقه محتاج. ارتق قلوب قاسیه مزه هیچ تأثیری اولیان شوسمواتک انتظام مشهودینی تغیر، آلوده ظلمت ضلال اولان کوزلرمز برشمس نوین دیکرله تنویر ایت. عظمت الهیه که نسبه لاشی حکمنده اولان بوقصر کهنسالی تخریب، تجلیات ذاتیه که بزی ایمانکه مجبور ایت. ساحة سماءه سیرایدن کونشک کائناته افاضه انوار ایتیمی نهایت بولمده دن اول، احتمال که او شمس مغنوبنک ضیای منکسفی تدریجاً عالم فکر وجانی تنویردن قالد جق. اوفانوس سماوینک صدمه قهر الهی ایله خراب اولدیغی کورن روز روشن ده کائناتی برلیله ظلمای ابدی به مستغرق ایده جک. یارب سنده اوزمان بوعالم فانی تخریب ایده جکسک. صواعق قهر وجلالکله زیر وزیر اولان بوسرای هستینک بقیه انتقاضی ده ساحة جبروتکدن عکس انداز دهشت اولان «وار اولان انجق بنم! ماسوی ایچون امکان بقا یوقدر. بنی بشر ایمانه نهایت ویردی. انک موجودیتنه نهایت ویردی» خطاب عظمت مأبنه الی الابد معکس اوله جقدر. فرید

صراط مستقیم

اصلنده کی نزاهت فوق الحیالی، نه قدر ممکن ایسه او قدر، محافظه ایتک شرطیه بویله سماوی بر نشیده بی لسان عرفانمزه نقله همت ایتدکارندن طولایی فرید بک قارده شمره تشکرلر ایدرز. شرقک، غربک بدایع عرفان وادیه کتبخانه ملیمزی نصیبه دار کمال ایتک ایسته یین ارباب قلممز فرید بکک مسلك تحریسنی تعقیب ایدرلرسه بزم فقیر ادبیاتمزی اغنا ایده جک بویله پک چوق جواهر معرفت بولورلر. غائب ایده جک وقتمز یوقدر. آراملی، بولملی، یازملی یز.

مِنَاقِبِ سَنَنِہ

— مابعد —

وغدا کل بیت نار وفیه

کربة من خمودها و بلاء

واو کیجه [فرسک نیجه ساللردنبری ایقاد و پرستش ایتمکده اولدقلری] بتون آتشکده لرده کی آتش سوندیکندن اهل نارد کربت و بلا حاصل اولدی.

ایدرلردی؛ سنده آنلرک ندای استمدادینه «انالرب!» خطابیله جواب ویرر ایاک.

بر چوق زمان انلری خطاب عزتکه مظهریتله تربیت پذیر، ید قدرتکه طریق مستقیمه دلالت مراد ایتدک.

«سنهار» «مامبری» وادیلرنده، مشجره «حوریب» یعنی حضرت کلیمک عبرانیله احکام الهیه کی تبلیغ ایتدکی معظم تپده قاج کره ردای کبریا وعظمتکه تجلی نمای ظهور اولدک!

اولاد یعقوب قرق سنده قدر خوان احسانکدن نواله چین اولدی. آنلرک غنوده خواب غفلت اولان قبلرینی رسل کرامکله بیدار، کوزلری اوکنده خارقلر اظهار ایدر ایدک. نه وقت سنی اونواتسلر سمای مجد الوهیتکدن نزول ایدن ملکک آنلرک وادی ضلالده پویان اولان قبلرینه ذات پاککی تخطر ایتدیرر ایدی.

فقط او خاطرات صفا مشحون، منبعندن اوزاقلاشان بر نهر سیال کبی بزه طوغری جریان ایتدکجه صفوت اصلیه سنی غائب ایتمش، یدای عمیق ازمان اوکوکب سالدیده خاطراتک انوار شعشه نثارینی علی التدریج قرین انخساف ایلشدر.

سنن خطاب عزتکه نهایت ویردک. غفلت ونسیان، تعاقب ازمانده او نام عظمت اتسامک صحیفه مکوناتده منتقش اولان آثار تجلیاتی کوسترمه مکه باشلادیلر.

توالی اعصار ایله چهره دلارای ایمان صولدی. انسانلرله سنک آره که شبهه و تردد حائل اولدی.

ای خالق ذیشان! بوعالم آرتق سنک عظمت وکبریا کی تقدیر ایده میه جک قدر مغلوب هرمدر. نام پاککی، آثار قدرتکی، خاطره مقدسه کی صحیفه قبلندن سیلوب وادی ضلاله دوشدی.

تکرار او فیضه مظهر اولق ایچون نهر موجا موج ایامی ماضی به طوغری قطع ایتک لازم کلیور. ای عالم شئون! ای قبه عظمت نمون! دیده غفلت سزی بیهوده تماشا، افسوس که معبودی کورمیوب یالکز معبد قارشو اظهار حیرتله اکتفا ایدیور. ساحة افلاکی دولیران بیکارله کونشله بیهوده باقیور. آنلرک، لدنیاتنه وقوف متعذر اولان، سیر وحرکتلری بیهوده تعقیب ایدیور. آراتق انلری اداره ایدن قدرت و قوتی طانییور. زیرا دائمی، ازلی خارقلر - الفتدن طولایی - خارقلقدن چیقیور.

اوشموس فضاییا بوندن اول نصل پارلادیسسه بوندن صکرده یه اویله جه پارلایه جقدر. کیم بیلر آنلرک مبدأ سیر وحرکتلری نه زماندر؟ حسیض خا که فیض و برکت ویرن شوقانوس سماوی عجبایلک دفعه اوله رقی نه زمان طوغدی؟ بزم اجدادمزده انک سیر اولینی کورمه مشلردر. چونکه ایام ازلیه نک یوم اولینی یوقدر.

قدرت ربانیه که بوتحوالات عظیمه شئون ایچنده عقل ووجدانه موجودیت الهیه کی کوستریور. فقط کورن کیم؟ نوع بشرک مایه مباهاتی اولان سلطنت فانیه بازیچه کاه قدرتکده الدن اله کچیور. لیکن عبرت آلان کیم؟ کوزمز آثار قدرت وعظمتکه الفت

بیانه اعراب و لغات :

[غدا] وقع معنسانه در . [کل] فاعل و [بیت نار] ترکیبیه مضاف .
[بیت نار] آتشکده دیمکدر . [وفیه] ده و او حالیه در و مضاف مقدر
اوله رق [وفی اهل] دیمکدر و ضمیر بیت ناره راجع در . جار مع الجرور مقدم
خبر ، [کربة] مؤخر مبتدا ، جمله فاعلندن حال . [غدا] بی صار معنسانه
آلوب بو جمله بی آکا خبر قیلحق جائزدر ، بو تقدیرجه [وفیه] ده کی و او
مفحمدر . کربت : غم و غصه دینور . [من خودها] ده [من] تعلیلیه در ،
خود : خاتک ضمیمه آتشق قوری سونمیدرک علوی ساکن اولحق و همود :
هاتک ضمیمه آتش بالکلیه سونمک معنسانه ایسه لرده بیت ثانی قرینه سیله بوراده
خودک همود معنسانده استعمال اولندی آکلاسیله یور و کتب سیرده کی
روایاته ده بو معنی موافق دوشیور . [وبلاء] مبتدا اوزرینه معطوف . بلاء :
محنت و مصیبت دینور .

و عیون للفرس غارت فهل کا

ن لنیرانهم بها اطفاء

ینه او کیجه ظهوره کلن غرائب امور دندرکه فرسک بعض
پیکارلری یره باتدی ، قورویوب بر قطره صوبی بیله قالمدی ، عجبا
آنلرک آتشکده لرنده کی آتشلری بو یره باتان پیکارلری اطفای ایتدی ؟
خایر ! او آتشلری ، ظهوریله هر باطلک مضمحل اولدینی سروجود
محمدی اطفای ایلدی .

بیانه اعراب و لغات :

[عیون] صفت ایله مخصص مبتدا و پیکار معنسانه اولان [عین] ک جمی
[للفرس] مبتداتک صفتی ، فرس : فانک ضمیمه بر امت عظیمه نک اسمی در .
[غارت] یره باتدی معنسانه ماضی و مبتداتک خبری . [فهل] استفهام تعجی
توییخی ، [کان] فعل تام . [لنیرانهم] اطفائک مفعول بهی ولای لام تقویتدر ،
نیران نازک جمی . [بها] اطفایه متعلق . [اطفاء] فاعل و باب فاعلندن سوندرمک
معنسانه مصدر در . ترکیبک حرفیاً مدلولی آیا فرسک آتشلری او پیکارلری ایله
سوندرمکی واقع اولدی دیمکدر .

مولد کان منه فی طالع الکف

ر وبال علیهم و وباء

بو بر ولادتدرکه بوندن اهل کفرک طالعنده کنیدیاری اوزرینه
وبال و وبا اولدی . ولادت محمدیه حسبیله اهل کفرک نجم طالعندن
کنیدیاری عظیم وخامت و محنت حلول ایلدیکنه دائر کهنه طرفندن
احکام استخراج اولندی .

بیانه اعراب و لغات :

[مولد] مبتداء محذوفه خبر . [کان] فعل تام و خبره صفتدر . [منه]
لفظی [من اجله] و [فی طالع الکفر] ترکیبی [فی طالع اهل الکفر] تقدیرنده در .
[فی] حرفی [وبال] کله سنه متعلقدر . طالع : کهنه و منجمونک عالمده حادث
اوله جق اموری کندوسندن استخراج ایلدکاری نجمک اسمی در [وبال]
فاعلدر و وخامت معنسانه در . [علیهم] وباله متعلق و ضمیر اهل کفره راجعدر .
[و وباء] وبال اوزرینه معطوفدر . هرایکسینک تنوخی تعظیم ایچونددر . وباء :
علت معلومه نک اسمی در ، بوراده آنکله محنت و مشقت مراددر .

فهینثاً به لآمنة الفض

ل الذي شرفت به حواء

ولادت محمدیه حسبیله آمنه یه اول فضیلت قوتلی اولسون که
او فضیلت ایله حواء دخی مشرف اولدی . جناب آمنه حضرت احمد
مختاری بلا واسطه عالم شهوده ابراز ایلدیکندن بو شرف جلیل اکا
مبارک اولسون که ام البشرندن والدۀ مشارالیه یه قدر امهات مکرمات
بودر مکنونی عالم اصلا به ابراز ایلدیکارندن بو شرف و فضیلتدن آنلرده
حصه یاب فخر و ابتهاج اولدیلر .

بیانه اعراب و لغات :

[فهینثاً] لفظی [فهینثاً] هنثاً تقدیرنده اوله رق مبارک اولسون دیمکدر .
[لینثی] باب ثالثدن امر غائب ، [هنثاً] امام مبرده کوره عاقبت کبی مصدر
اولفله فعل مضمره مفعول مطلق . [به] ده حرف جر سببیه و ضمیر رسول
اکرمه راجع . [لآمنة] فعل مضمرک مفعولی ولای لام تقویتدر . [الفضل]
شرف و رفعت معنسانه اوله رق فعل مضمرک فاعلی . [الذي] مع صلته فضلك
صفتی . [شرفت] تفعلیل بابندن ماضی مجهول [به] ده ضمیر فعله راجع
[حواء] نائب فاعل . بقیه سی وار برکت زاده اسماعیل حق



صراط مستقیم رساله محترمه سنه

خطبه لر نصل اولمی ؟

دین مبین اسلام هر بدعت سیئه بی رد ایله ، ترک ایله امر ایدرکن
اسلامیتده بر جوق بدعات سیئه موجود اولدینی کیمسه انکار ایده من . اک
اک بیوک بدعت ایسه خطبه لریمزک بو کونکی حالیدر .

صراط مستقیم رساله سی بر جوق دفعه لر خطبه لریمزدن بحث ایلدیکی حالده
مع التأسف سرد ایتدیکی مطالعات هیچ بر طرفدن نظر اعتباره النماشدر .
حالبوکه خطبه بر نطق دینیدر ، دین اسلام ایسه بوتون علوم و فنونندن بحث
ایدر . بویله ایکن عجبا شمیدیکی خطبه لریمزدن استفاده اولنیورمی ؟ تغنیدن
بشقه برشی واری ؟ حتی غریبدرکه اوسلسله نفقات ایچنده ازجوق موضوع
حدیثلرده قولاغه چارپیور !

کچن جمعه کونی استانبولک بیوک جامعلرندن برنده خطیب افندی قافیه بی
کاف حرفیه کتیرمک ایچون منبردن = وما ارسلاک = دهرک ایتدی .
ایشته بو خصوص ایچون عنمای ذوی الاحترامدن مقنع بر جوابه منتظرم .
زیرا اثبات بعدالننی بو آیت کریمه ده لازم غیرمفارقدر . ایدی مقصد عاجزانه
شودرکه آرتق بو اسکی خطبه لر ایله بو تغنی بی ترک ایدلم : دخی ، اجتماعی ،
سیاسی خطبه لر تنظیم ایله نطق صورتنده اوقوبه لم .

عاجزلرینک ایکی سنه دن بری آرپه جیلر جامعنده اوقودیم خطبه لرک
مستمعینه حقیله تأثیری کورلشدر . حتی بو هفته اوقونان خطبه بر جوق
ارباب فضل و کمال طرفندن مظهر تقدیر اولدی و یازلسی رجا ایلدی . انجق
کثرت مشاغله بناء عینی خطبه بی بر جوق ذواته یازمه یه جفمدن رساله کزه
کوندیریورم . انشاءالله بوندن بویله هر هفته اوقونه جق خطبه لرک صورتی
تقدیم ایدرم . والسلام علیکم . آرپه جیلر جامی خطیب وکیلی

علی شیخ العرب

خطبه

— ۱ —

الحمد لله مغیر الامور و الاحوال . الحمد لله مفرج الکروب و الاهوال .
الحمد لله میسر الصعاب و الاتقال . الحمد لله بیده الحرکة و السکون . استغفره
و اشهد ان لا اله الا الله الملك العلام . و اشهد ان محمداً نور الهدی و مصباح
الظلام . اللهم صل وسلم علی هذا النبی البدر التمام . و علی آله و صحبه
ذوی القدر المصون و سلم تسليماً کثیراً .